





## Indeks Perdagangan Luar Negeri Mei 2025



Segala perubahan berdasarkan perbandingan bulan ke bulan.

Sumber : Indeks Perdagangan Luar Negeri, Mei 2025, Jabatan Perangkaan Malaysia (DOSM)

### PERATUS PERUBAHAN BULAN KE BULAN BAGI INDEKS NILAI SEUNIT EKSPORT DAN IMPORT



## Terma Perdagangan Malaysia menurun 0.5 peratus pada Mei 2025, disumbangkan terutamanya oleh Minyak & Lemak Binatang & Sayur-sayuran.

- **Indeks nilai seunit eksport** menurun 1.5 peratus pada Mei 2025 berbanding bulan sebelumnya, disumbangkan oleh kejatuhan indeks minyak galian (-4.1%), minyak & lemak binatang & sayur-sayuran (-4.1%) dan alat jentera & kelengkapan pengangkutan (-0.5%). Begitu juga, **indeks volum eksport** menyusut 3.7 peratus selaras dengan penurunan indeks minyak galian (-14.5%) dan alat jentera & kelengkapan pengangkutan (-9.8%). **Indeks volum eksport pelarasan bermusim** juga turut susut 2.7 peratus daripada 170.8 mata kepada 166.1 mata. Merujuk kepada **perbandingan tahunan**, indeks nilai seunit eksport jatuh 1.5 peratus manakala indeks volum naik 0.4 peratus.
- **Indeks nilai seunit import** merosot 1.1 peratus pada Mei 2025, disumbangkan oleh penyusutan indeks minyak galian (-6.5%), bahan kimia (-0.4%) dan alat jentera & kelengkapan pengangkutan (-0.1%). Tambahan pula, **indeks volum import** juga turut menyusut 0.9 peratus pada Mei 2025 berbanding bulan sebelum, disumbangkan oleh penurunan dalam indeks alat jentera & kelengkapan pengangkutan (-8.1%) dan bahan kimia (-1.4%). **Indeks volum import pelarasan bermusim** menyusut 2.4 peratus daripada 238.6 mata kepada 232.7 mata. **Perbandingan tahun ke tahun** menunjukkan indeks nilai seunit import berkurang 4.7 peratus manakala indeks volum menaik 11.8 peratus.
- **Terma perdagangan** Malaysia meleset 0.5 peratus bulan ke bulan kepada 118.6 mata pada Mei 2025, didorong oleh kejatuhan indeks minyak & lemak binatang & sayur-sayuran (-1.2%), bahan kimia (-0.4%) dan alat jentera & kelengkapan pengangkutan (-0.4%). Sementara itu, terma perdagangan Malaysia **tahun ke tahun** bertambah 3.3 peratus daripada 114.8 mata pada Mei tahun lalu.

